


# Manmin nga mga Balita

NO. 65 MAYO 1, 2016

## Ang GCN nitambong sa 2016 NRB International Christian Media Conference

### Ang Nanag unang Global Broadcasters nag Tinabanggay Aron Mapakatag ang Ebanghelyo



Pebrero 22 hangtod 26, ang 2016 NRB International Christian Media Convention gihimo didto sa Gaylord Opryland Resort og Convention Center sa Nashville, USA. Ang GCN niapil sa maong panag pundok.

Ang NRB (National Religious Broadcasters) natukod aron ma protektahan ang mga katungod og binipisyo sa Kristohanong magsisibya. Ang U.S. maoy sentro, naay 1,400 ka mga organisasyon sa tibuok kalibotan nga nahisakop sa NRB. Regular silang mag pundok og manag sultianay sa paagi sa pag sibya og sa mga programa. Sa 2016, sobra sa 4,700 katawo gikan sa 175 ka magsisibya sa 44 ka mga nasod ang niapil, naghimog partnership sa kaubang mga Kristohanong magsisibya, og nag inambitay sa mga paagi sa pagsibya. Sila nagkasabot usab sa panglantaw sa pagpangalagad sa pagsibya.

Karong tuiga ang GCN ([www.gcntv.org](http://www.gcntv.org)) nisugod pinaagi sa pag apil sa International Reception, og nipadayon sa pag tambong sa daghang kalihokan lakip sa Film Screening og TV Advisory Council og Standing Committee Meeting aron makatukod og partnership sa mga Kristohanong magsisibya. Sa Media Leadership Dinner, daghang opinyon ang na dungog sa sitwasyon karon sa Middle East, sa impluwensya sa IS (Islamic State), og ang persikasyon sa mga Kristohanong magsisibya og sa pagtoo niini sa mga grupo sama sa homosexuals. Dugang pa, pinaagi sa pagpaminaw sa nagkalain laing siminar og sa pag pakig hinabi sa mga propisyonal og makinaadmanong mga tawo sa maong miting, ang GCN nakakuha og mga epektibong paagi aron maisabwag ang ebanghelyo pinaagi sa digital media technology.

Ang booth sa GCN gipanindotan sa kolor blue og white nga nagsimbolo sa Langit og kaputli. Gipakita sa GCN ang HD sermon ni Dr. Jaerock Lee, ang 33rd church's anniversary celebration, mga programa sa overseas crusades sama sa 'Reminiscence' og 'Walk of Faith'. Naa pay daghang programa lakip sa 'Creation and Science' og ang 'WCDN' gipaila usab. Dugang pa, ang mga libro ni Dr. Lee og ang Muan Sweet Water (Exodus 15:25) nakakuhag atensyon sa mga tawo.



NRB President, Dr. Jerry Johnson, og uban pang mga leder sa NRB nibisita sa GCN's booth og labaw silang nagka inilhanay. Dr. Frank Wright, ang kanhi Presidente sa NRB ni bisita sad og niingon, "Ang daghang program sa GCN, labi na gisibya usab kini didto sa Israel, nakapaikag kaayo. Akong pasalamatan ang Board Chairman, nga si Dr. Jaerock Lee."

Si Vice Board Chairman John Carley niingon, "Ang GCN nituman sa 3 ka resolusyon sa NRB: Advancing Biblical truth in Culture, Excellence in Media, og Freedom in Media. Lipay kaayo kong nakaila sa GCN." Si Mr. Andre Bidnyuk, CEO sa Russian Broadcasting Network (RBN) niingon, "Pinaagi sa mga sermon nga programa ni Dr. Lee daghang tawo ang nangaayo og naka saksi sa lihok sa Dios. Lipay kaayo ko!"

Ang GCN nakahimamat usab sa daghang magsisibya lakip na sa kanhi NRB Board Director Dr. John Ankerberg nga broadcaster sad; Dr. Warren Trumbly Vice Pres. sa Operation LPTV, OTA broadcasting LLC (NYC Ch.17, WEBR); Pres. Maxim Maximov sa CNL TV; Dr. Randy Wise, Pres. sa IBN & EICB; NRB International Committee Chairman Stan Jeter. Lingaw kaayo sila sa panag pundok uban sa Espiritu Santo. Sila nagkasabot sa promosyon sa panag uban og panag ambit sa dakong tinguha sa pagpangalagad sa pagsibya nga maoy mogiya sa daghang kalag ngadto sa kaluwasan.



Unang litrato, NRB Pres. Jerry Johnson (tunga), Ika-2 litrato, First Vice Chairman John Carley (tuo), Ika-3 litrato, GCN's booth, Ika-4 nga litrato, Dr. Frank Wright (tunga), kanhi Pres. sa NRB, Ika-5 litrato, Dr. Warren Trumbly, Pres. sa New York channel 7, Ika-6 nga litrato, Dr. Jaerock Lee, Board Chairman's books



# Bunga sa Kaayo



Senyor Pastor Dr. Jaerock Lee

“Apan ang Espiritu naghatag sa gugma, kalipay, kalinaw, paliob, kaluoy, kaayo, pagka maminatud-on, pagka mapaubsanon og pagka mapinugnganon sa kaugalingon, kining mga butanga wala mahisupak sa bisan unsang balaod” (Galacia 5:22-23).

Ang nindot nga bunga sa Espiritu Santo dili lang igo nga matawo diha sa dughan, apan makita kini pinaagi sa maayong buhat. Kon ikaw nakaangkon og bunga sa kamaayo diha sa imong dughan, makita diha nimo ang kahumot ni Kristo. Og tungod ini, daghang kalag ang makasinati ni Hesu Kristo pinaagi nimo og sila maghimaya sa Dios. Atong tan-awon ang bunga sa kaayo.

## 1. Ang dughan nga mobuhat sa matuud isip maoy sumbanan

Ang kalibotanhong mga tawo maniid og mohusga sa maayo og daotan pinasubay lang sa ilang konsensya. Og abi nilag sila maayo na og matarong. Apan ang ‘konsensya’ sa matag usa managlahi. Tungod kay ang pagka umol ini wala manag pareho.

Bisan pa, ang konsensya nga maoy standard sa pag ila sa maayo og daotan, basi sa pondasyon sa naturalidad sa matag usa og kining maong naturalidad nag depende sa klase sa matag usa og sa klase sa palibot diin ang maong tawo magdako.

Katong mga anak nga nakadawat og maayong kinabuhi maayo usab og kinaiya. Og katong mga tawo nga nagdako sa maayong palibot diin naay daghang maayong butang nga nakita og na dunggog maporma usab ang maayong konsensya. Tugbang ini, ang natawo sa daghang pag kadaotan gikan sa ilang ginikanan og gipalibotan sa daotang mga butang, ang iyang kinaiya og konsensya mahimo usab nga daotan.

Pananglitan, ang mga anak nga tinudloan nga dili manghambog

mahingawa kon sila maka panghambog. Apan katong mga bata nga nagdako sa pag panghambog makabati nga ok ra ang manghambog. Sa gihisgotan, ang konsensya sa matag usa managlahi. Katong naghunahuna nga ila ra gisunod ang ilang konsensya, ila ra gisunod kon unsa ang abi nila nga maayo. Apan wala nila sunda ang tinuod nga maayo.

Apan kitang mga magtotoo sa Dios managsama ang basihan diin kita makaila sa maayo og daotan. Tungod kay naa nato ang Pulong sa Dios nga maoy standard. Ang espirituwal nga kamaayo maoy pagbaton sa matuud isip maoy atong konsensya og pagsunod ini.

## 2. Ang dughan dili makahimo kon walay pag bansay sa tinuod nga matuud

Sa espirituwal nga pagsabot ang kamaayo maoy klase sa dughan nga mangita sa maayo pinaagi sa Espiritu Santo, nga mao ang matuud nga kamaayo. Kay ang maayong tawo makitaan man sa maayong bahandi, kadtong tinuud nga nangita sa maayo natural nga makitaan og maayong intensyon diha sa iyang buhat. Bisan asa sila paingon og bisan kinsa ang ilang makahinabi, sila mahibalong mohatag og mo higugma uban sa maayong buhat.

Sama sa tawo nga namutang og pahumot, kini mohumot, katong naay kamaayo mangalisngaw sa kahumot ni Kristo. Apan dili lang igo nga sila makabaton sa bunga tungod kay sila nagtinguha sa pagpangita sa maayo. Ang kamaayo ilang palamboon og bansayon diha sa ilang dughan.

Sa Lucas 10, naa ang samingay sa Maayong Samaryanhon. Naay tawo nga gibun-og og gitulis samtang nag panaw og kini kamatayon. Niagi ang pari apan gilabyan lang niya ang tawong kamatayon. Mao usab ang gibuhat sa usa ka Levita, gilabyan sad niya ang tawong kamatayon. Ang pari og Levita nahibalo sa Pulong sa Dios og nagsilbi sila sa Dios. Apan, wala sila magpakita sa angayang buhaton nga sila angay unta nga mosunod sa kabubut-on sa Dios.

Unya dihay Samaryanhon nga milabay og nakakita sa maong tawo nga gitulis og gibun-og. Ang Samaryanhon mitabon sa iyang samad og gidala siya ngadto sa balay abotanan. Nihangyo siya didto nga ipaatiman ang maong tawo, og nisaad nga iyang bayaran ang pag atiman sa maong masakiton. Tungod kay naa man siyay kamaayo dili niya ika baliwala ang tawong kamatayon. Bisan pa og makuhaan ang iyang kwarta og

panahon, dili niya pasagdan ang tawong nanginahanglan. Kon iya pa kining gilabyan, ang Samaryanhon makabati og kahamol sa iyang dughan. Tingali maghunahuna siya kon unsa man kahay nahitabo nganong kamatayon man ang tawo. Ang espirituwal nga kamaayo mao ang dili makaako sa dili pagpili pagbuhat sa maayo.

## 3. Ang maayong dughan ni Hesus

Mateo 12:19 “Dili siya makiglalis o mosinggit o mohimog masaba nga pakigpulong sa kadalanan.”

Kasagaran kon makakita ta og tawo nga gi konsiderar sa uban nga maayo, atong makita nga ang maong tawo dili makig away og walay problema ngadto sa uban. Sa giingon, ‘dili siya mohimog kasaba sa kadalanan,’ sila hilom og dili makig away. Dili sila manghilabot kon masayop ang ubang tawo. Dili sila magpataas sa ilang kaugalingon. Bisan pa og mag antos sila, dili mo reklamo.

Sa bersikulo 20, “Dili niya balion ang bawog nga bugang o palungon ang nagkaawop nga kalayo, magpadayon siya sa iyang buhat hangtod nga mapatunhay niya ang hustisya.”

Kon magpadako ta og kahoy o tanom, kon naay sanggang dili maayo, kasagaran atong putlon. Og kon ang kalayo nagkaawop, dili na ni mohatag og kahayag, moaso og moabo. Og patyon nalang sa tawo. Apan katong naay espirituwal nga kamaayo dili ‘mobali sa bawog nga bugang o mopalong sa awop nga kalayo’. Kon naa pay gamay nga higayon nga masulbad, dili nila patyon ang kinabuhi, og ilang sulayan pag abli sa dalan sa kinabuhi para sa uban.

Dinhi, ang ‘bawog nga bugang’ nagpasabot niadtong puno sa sala og pagkadaotan ining kalibotana. Ang ‘awop nga kalayo’ nagsimbolo niadtong dughan nga natumog sa daotan nga ang kahayag sa ilang kalag paingon na sa kamatayon. Ang mga tawong sama sa bawog nga bugang og awop nga kalayo kuling modawat sa Ginoo. Bisan pa og nitoo sila sa Dios, ang ilang buhat walay kalainan sa kalibotanhong tawo. Sila mo sulti og batok sa Espiritu Santo og makigbatok sa Dios.

Panahon ni Hesus, daghan ang wala motoo Niya bisan pag sila nakasaksi sa mga gamhanang lihok, nagmalig-onon silang nakig batok sa lihok sa Espiritu Santo. Apan sa gihapon, si Hesus nitaw-aw nila uban sa pagtoo hangtod sa kataposan og niabli sa kahigayonan aron sila makadawat sa kaluwasan.

Katong naay bunga sa kamaayo modawat sa mga tawo bisan ilang

ipagawas ang pagka daotan. Dili sila moila kon kinsa ang sayop o saktong kinsa ang maayo o daotan, og dili mobali o mo salibay nila. Ila gihapon silang ayohon uban sa matinud-anong dughan og sa kataposan ilang ma tandog ang ilang dughan.

O tinuod, kon sila magpadayon pagbuhat sa daotan sila mahitumpawak sa dalan sa kamatayon bisan pag kita magpakitag kamaayo nila. Apan bisan pa ini, dili ta mohatag og limitasyon og mo baliwala nila. Kini espirituwal nga kamaayo kon kita magsulay aron sila makakaplag sa espirituwal nga kinabuhi sa walay paghunong hangtod sa kataposan. Atong ipadayon ang pagsulay sa paghatag nila og kahigayonan nga ilang maangkon ang dalan sa kaluwasan.

Unya, unsa man ang ilhanan sa espirituwal nga kamaayo og espirituwal nga kalahian? Mahimog imong hunahunaon ang ‘Samingay sa Maayong Samaryanhon, ang iyang buhat makita ba nga mahatagon og maloloy-on?’

Tinuod, ang mahatagon og maloloy-ong dughan nahisakop sa kamaayo. Apan ang maayong aspeto sa espirituwal nga kamaayo mao ang pagtinguha sa pagsunod sa maayo og pag paningkamot sa pagbansay ini. Ang tumong dili lang sa kalooy tungod kay kita maka tabang sa uban gumikan lang sa atong simpatiya. Tungod sa iyang kamaayo ang Samaryanhon wala lang moagi apan siya mitabang tungod kay siya nalooy.

Kon ikaw mo boluntaryo sa simbahan, og kon ikaw naay bunga sa kamaayo, dili ka lang matinud-anon sa usa ka butang apan sa tanang aspeto. Kon imong ibaliwala ang imong katungdanan, tingali naay mag antos tungod sa imong gibuhat. Ang gingharian sa Dios dili lang matuman sigon sa ingon. Imo gyong sulayan ang pagka matinud-anon sa tanang butang. Nagtoo ko nga kining prinsipyoha imong ma aplikar sa lain pang tanang ilhanan sa espiritu.

Mahal nga kaigsoonan diha ni Kristo, kon ikaw nakaangkon sa bunga sa espirituwal nga kamaayo, naa nimo ang imahe sa Ginoo. Dili ka makatugot nga naay bisan usa nga madaot. Makita diha nimo ang imong kamaayo og pagpaubos. Ikaw ka respitohan tungod kay ang Ginoo naa nimo, og ang imong batasan og sinultian hingpit. Ako mag ampo sa ngalan sa Ginoo nga ikaw makaangkon sa espirituwal nga bunga sa kamaayo og maghatag sa dakong kahimayaan sa Dios.

## Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-  
anan pinaagi lamang sa dugo ni Hesu Kristo.
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

**Manmin nga mga Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 08389  
Tel: 82-2-818-7047 Fax: 82-2-818-7048  
http://www.manmin.org/english / www.manminnews.com  
E-mail: manminen@manmin.kr  
Publisher: Dr. Jaerock Lee  
Managing Editor: Geumsun Vin



# Ang Kabag-ohan og Kaayohan Pinaagi sa Lihok sa Espiritu Santo

Ang Dios sa gugma mahimuot kon ang Iyang mga anak mosalig Niya uban ang pagtoo. Og Iyang sulbaron ang tanang klase sa problema og mogiya nila aron sila magmalipayon nga walay kabalaka og kakulba. Karon atong paminawon ang mga panghimatuud sa mga miyembro sa simbahan nga nangaayo pinaagi sa Espiritu Santo.

## “Naayo ko sa asma human sa akong paglamano ni Dr. Jaerock Lee”

Decono Byunghyup Jeon, 47 anyos, Masan Manmin Church, South Korea



Abi ko og giubo lang ko apan ang sintoma nagka grabi nga maglisod nako og ginhawa. Kon mo ginhawa ko, naay mo tingog og makamata ko kaduha o katulo sa usa ka gabii. Kon maka mata na gani ko maglisod na og balik katulog. Usa kagabii naglisod ko og ginhawa og nagsulay sa pag ginhawa nga abli ang pultahan.

Oktobre 2014, ang akong medical-exam nagpakita nga naa koy asma. Wala hibaw-i kon ngano. Nagsugod ko og pangayo sa grasya sa Ginoo, mitambong sa worship service og sa Daniel Prayer Meeting. Sa dihang

◀ Pamilya ni Decono Byunghyup Jeon (sugod sa wala, Deacono Jeon, iyang anak Sehyun og Younghyun, og asawa si Deaconesa Hyojeong Yim)

akong gisusi ang akong kaugalingon basi sa Pulong sa Dios. Akong nahunahuna nga daotan kaayo ko og naghinulsol.

Pebrero 2015, nag damgo ko. Sa damgo, akong nakita si Senyor Pastor Dr. Jaerock Lee nagluhod ko og ako siyang gisultian sa akong sakit. Unya iya kong giampoan. Human sa akong damgo niadto ko ni Senyor Pastor nga akong gisuwat ang ngan sa akong sakit diri sa akong palad og nilamano niya. Unya ang sintoma sa asma nawala.

Sa sunod nga eksaminasyon nakita nga naayo nako sa asma. Halleluyah!

## “Ang akong nabali nga bukog sa dali nga panahon naayo pinaagi sa hugot nga pag ampo”

Senyor Deconesa Hyangwon Lee, 56 anyos, Parish 15, South Korea



Nobyembre 7, 2015, samtang paspas nga naglakaw, nadagma ko. Dili ko makabarog apan ubos sa tabang sa ubang tawo nakabarog ko pero gisakitan pag ayo. Gidala ko sa ambulansya sa hospital og ang x-ray nipakita nga nabali ang akong femoral neck (bukog sa dadipadi).


Ang doktor niingon nga operahan dayon ko aron sa pag ayo sa akong bukog. Niingon siya nga anha ra una ko sa higdaanan sobra sa usa ka bulan og magpahulay ra. Anang gabhiona dili ko makatulog tungod sa kasakit. Dili sad nako malihok ang akong lawas. Nagkinahanglan ko og tabang

kon mag banyo.

Pag Domingo, nipadala ko og prayer request ni Dr. Jaerock Lee didto sa iyang prayer mountain. Pagka taodtaod lang ni hinayhinay og pangawala ang kasakit. Nakatulog gyod ko pagka gabii ana. Pag Lunes wala nakoy' sakit nga gibati og maka lakaw nasad sa banyo nga wala magkinahanglan og tabang sa uban.

Sunod adlaw, maka barog na gyod ko nga walay motabang. Dali kaayo kong naayo og nibalik sa normal. Unya niadto ko sa hospital para magpa hiling, akong nakita sa x-ray nga ang akong nabaling bukog sa femoral neck's periosteum maayong nasumpay.

Akong pasalamat og himayaon ang Dios nga niayo nako uban sa Iyang kahibulongang gahom.



## “Ang walnut-sized lump (fibroid) nawala”

Senyor Deconesa Misuk Kim, 44 anyos, Parish 1, South Korea



Sayo sa tuig 2015, nag antos ko sa grabing menstrual pains. Murag kumoton ang akong tinai. Paningoton ko og bugnaw og makuyapan. Magdugo ko pag ayo bisan dili pa panahon sa akong binuwan nga pagdugo.

Lain na ang akong nawong, og lisdan kong mosaka sa hagdanan tungod kay walay kusog. Mahutdan ko sa ginhawa, na animya og gitubol. Nangalaras ang akong buhok.

Enero 4, 2016, nagpa ultrasound ko sa tiyan. Ang doktor niingon nga naa koy 3 ka 'fibroids'. Ang 2 naa tunga sa uterus apan wala kini maghasol, ang usa nga sama kadako sa walnut dapit sa ubos, nagduot kini sa akong uterus. Ni dugang pa siya sa pag ingon nga mao ni hinungdan sa akong pagdugo. Iya kong gipahimangnoan nga kon mo grabi posibling kuhaon ang akong uterus. Nagsuwat siya og request aron atimanon ko sa dakong hospital.


Akong gisusi ang akong Kristohanong kinabuhi. Nag trabaho ko isip leder sa simbahan apan naa nako ang daotan

sama sa pagka aroganti og garbo sa dughan. Naghinulsol sad ko nga bugnaw ang akong pagtoo. Enero 15, akong gidawat ang pag ampo sa panyo ni Rev. Heesun Lee, Guidance Pastor sa Women's Mission (Buhat 19:11-12). Nagdugo gihapon ko. Og human sa duha ka adlaw naay nigawas nga tibugol. Human ato wala nako magdugo og normal na ang akong binuwan nga pagdugo.


Og nangandam ko aron kompletong maayo pinaagi sa pagtambong sa Divine Healing Meeting sa Manmin Prayer Center. Pebrero 7, 2016, ang mga miyembro sa simbahan nakaangkon og higayon nga makig himamat ni Senyor Pastor, og sa akong pagdawat sa iyang ampo para sa mga masakiton og sa akong paglamano niya, ang kalipay nibaha sa akong dughan og nakasiguro ko nga naayo. Nidayag ang akong nawong og na normal ang tanan. Wala nako maglisod og ginhawa og maayo na sad ang akong pagkalibang. Halleluyah!

Pebrero 18, niadto ko sa hospital para magpa hiling. Ang ultrasound nipakita nga ang fibroid nga maoy hinungdan sa akong pagdugo og ang usa didto sa sulod nawala na og ang usa pa gyod nigamay gikan sa 3cm ngadto sa 2.2cm. Akong pasalamat og himayaon ang Dios.

◀ Sa wala pa ang pag ampo



◀ Human sa pag ampo






# “Akong gibasa ang libro *Spirit, Soul & Body* og ang akong kinabuhi nabag-o!”

Brother Reward Sibanda



Brother Reward Sibanda amo sa usa sa mga kompanya sa co-operative association uban sa GCN. Iyang nadawat ang libro ni Dr. Lee nga *Spirit, Soul, & Body* sa NRB Convention 2015. Niingon nga siya natandog kaayo sa maong libro og naka angkon og lawum nga panabot og nakig ambit sa grasya ngadto sa gatosan ka mga Kristohanon. Karong tuiga siya nibisita sa GCN's booth og mipadayag sa kinasingkasing nga pasalamat (Brother Reward Sibanda uban sa GCN Director James Jaehwan Lee sa GCN's Exhibition booth).



*Spirit, Soul & Body* Vol. I og II gisulat ni Dr. Jaerock Lee

Sa akong pagbasa sa libro ni Dr. Jaerock Lee *Spirit, Soul, & Body*, natandog kaayo ko tungod kay ang libro maka bag-o sa kinabuhi. Nagtoo ko nga naay pipila ka mga tawong makasabot sa original nga kabubut-on sa Dios og mo pasabot ini ngadto sa uban.

Ang *Spirit, Soul, & Body* nga libro ni Dr. Lee mipasabot sa kinauyokang konsepto sa espiritu, kalag og lawas aron ang tawo bisan unsa pa ang kultura niini makasabot sa tino. Akong nasabtan kon nganong gihimo ang tawo.

Human sa pagbasa sa libro, ang kahibulongang butang nahitabo ngari nako. Akong nabati ang Pulong sa Bibliya nga nitandog sa akong dughan sa unang higayon. Grabi na kaayo ko mo ampo og akong nahunahuna nga gikinahanglan gyod ko mag ampo. Akong nabati ang Pulong sa Dios nga midulot sa akong kalag og espiritu og sa akong mga lutahan og kaunoran. Kining libroha nibag-o sa akong kinabuhi og ang mga nakabasa ini naka eksperyensya usab sa kabag-ohan. Akong pasalamat si Dr. Lee.

## “Nakalingkawas ko sa matag gabiiing kasakit nga maoy nidasig nako nga dili nalang mo ginhawa og aron mamatay”

Brother Chendsuren, 35 anyos, Mongolia Manmin Church

Lisod ang akong pag ginhawa sukad pa niadtong 1999. Nagpa hiling ko sa hospital apan walay nakita nga hinungdan. Apan permi kong makamata sa gabii tungod kay dili ko maka ginhawa. Murag naay kamot nga nisampong sa akong baba og kamatayon ko. Paspas kaayo ang pitik sa akong kasingkasing, og murag mo lugwa ang akong kasingkasing agi sa akong baba.

Nahadlok na kaayo ko ining sakita sa kamatayon matag gabii. Nibalik ko sa hospital nagpahiling sa kasingkasing og baga og gani nagpa psychiatric exam pa, apan wala silay nakita nga problema. Ni salig na gani ko sa Lama Buddhism og shamanism apan walay nahitabo. Tungod kay maglisod man ko og ginhawa sulod na sa daghang katuigan, maglisod ko og tungas og kanaog sa hagdanan.

Oktobre 2015, nagpa medical-test ko og nakita nga ang akong

dughan dili normal. Paroxysmal-lisod nga pag ginhawa tungod sa arrhythmia.

Ining higayona miyembro ko sa Mongolian Manmin Church, apan dugay na wala mo tungha. Nobyembre 2015, nisimba ko sa Sunday Worship Service. Si Pastor Botzorig Niampo nako gamit ang panyo sa gahom (Buhat 19:11-12). Niingon siya nga kining panyoa inampoan ni Dr. Jaerock Lee senyor pastor sa Manmin Central Church.

Sa dihang giampoan ko, ang kainit nigawas sa akong lawas og ang akong dughan nakabaton og kalinaw. Akong nabati ang nindot og lempyo. Sugod ato piskay nako. Makatulog na ko og tarong maka mata na og normal. Malipayon kaayo ko og nahibulong nga ordinaryo na ang akong kinabuhi sama ini. Bisan pa og modagan sa hagdanan, wala nay problema. Kahibulongan! Halleluyah!



## “Naayo ko sa epekto sa chronic malaria”

Brother Heritie Colongzi Kabasele, 32 anyos, Kinshasa Manmin Church, DR Congo



Pag 2006 nag antos ko sa grabing taas nga hilanat og nahiling nga naay chronic malaria. Dili ko makalakaw kay sakit ang akong kilid. Dili ko maka higda og tarong mao nga magtakilid nalang. Sakit sad ang akong ulo mao nga dili makakaon og tarong. Ang sintoma tungod sa splenic enlargement. Nag inom ko og tambal og naay medical treatment, apan walay kausaban.

Pebrero 2006, gihimo ang Dr. Jaerock Lee's DR Congo United Crusade sa Triumph Boulevard 1997 sa Kinshasa, DR Congo. Ang akong amahan buot nga maayo ko pinaagi sa pag ampo ni Dr. Lee. Gidala ko niya og gitabangan ko nga makadawat sa pag ampo. Pag human, naayo ko sa splenic enlargement.

Pag 2010, nibalik nasad ang akong taas nga hilanat, nahugno ko pag Hunyo og nasundan pag Hulyo. Permi kong dalion og dala sa hospital. Pag 2011, dili nako maka trabaho.

Enero 2015, gidala ko sa akong amiga sa Kinshasa Manmin Church og nagpa rehistro sa simbahan. Human sa duha ka bulan nangandam ko para sa anibersaryong kalihokan sa simbahan. Dili ko kampante tungod sa kondisyon sa akong lawas. Apan niapil ko sa preparasyon sa pasundayag human nga akong nadunggog nga tubagon sa Dios ang akong pag ampo kon ako makapahimuot Niya. Nitambong ko sa tanang worship service og matinguhaong nidawat sa mga pag ampo ni Dr. Lee pinaagi sa GCN's broadcasting.

Sugod ato, wala na gyod koy problema sa akong lawas og nagpabilin nga himsog. Naanad nako nga nag antos sa sakit sa ulo, maligo sa singot, og mag higda nga walay kusog sa tanang panahon nga milabay sa akong kinabuhi. Apan karon himsog nako og maka dayeg sa Dios sa akong gusto. Malipayon kaayo ko! Halleluyah!

### Mga Sangay ng Ministeryo ng Manmin sa Pilipinas

<b>Manila Manmin Holiness Church</b> 441 Potato St, J-Figuera Sampaloc, Manila, Pilipinas Pastor Jaebhong Uhm 2-735-1423	<b>Bataan Manmin Holiness Church</b> 067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	<b>Isabela Manmin Holiness Church</b> Purok 3, Brgy, San Roque, San Mateo, Isabela, Pilipinas Pastor Jaebhong Uhm 2-735-1423	<b>Cavite Manmin Holiness Church</b> 5 Lot 33 Bk 1, Canutuhan (tenant), Santiago Gen. Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	<b>Imus Manmin Holiness Church</b> Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	<b>Cebu Manmin Holiness Church</b> LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	<b>Davao Manmin Holiness Church</b> 301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714
---	---	---	--	--	---	--